

Vazirlar Kengashining Jamoat tashkilotlari va diniy tashkilotlar bilan aloqalar bo`yicha kotibiyatining funksional vazifalari to`g`risida

N I Z O M

1-bob. Umumiy qoidalar

- Jamoat tashkilotlari va diniy tashkilotlar bilan aloqalar bo`yicha kotibiyati (keyingi o`rinlarda kotibiyat deb ataladi) Qoraqalpog`iston Respublikasi Vazirlar Kengashining tarkibiy bo`linmasi hisoblanadi. Kotibiyatga 1 ta shtat birligi ajratilgan.
- Kotibiyatning faoliyati Vazirlar Kengashini, uning Rayosatini diniy ekstremizm va missionerlikning oldini olish, millatlararo totuvlikni yanada mustahkamlash, nodavlat notijorat tashkilotlar faoliyatini rivojlantirish bo`yicha axborot-tahliliy materiallar bilan ta`minlashga yo`naltirilgan.
- Kotibiyat o`z faoliyatida O`zbekiston Respublikasi, Qoraqalpog`iston Respublikasi Konstitutsiyalari va qonunlariga, O`zbekiston Respublikasi Oliy Majlisi palatalarining qarorlariga, O`zbekiston Respublikasi Prezidentining farmonlari, qarorlari va farmoyishlariga, O`zbekiston Respublikasi Vazirlar Mahkamasining qarorlari va farmoyishlariga, Qoraqalpog`iston Respublikasi Jo`qorg`i Kengesi va Vazirlar Kengashi qarorlari, shuningdek, mazkur Nizomga amal qiladi.
- Kotibiyat o`z faoliyatini Vazirlar Kengashi Raisining Jamoat tashkilotlari va diniy tashkilotlar bilan aloqalar bo`yicha o`rinbosari rahbarligida amalga oshiradi.
- Kotibiyat o`ziga yuklangan vazifalar va funktsiyalarni bajarishda Vazirlar Kengashining boshqa tarkibiy bo`linmalari, davlat va xo`jalik boshqaruvi organlari, mahalliy davlat hokimiyati organlari, boshqa organlar va tashkilotlar bilan o`zaro hamkorlikda amalga oshiradi.

2-bob. Kotibiyatning vazifalari va funktsiyalari

- Quyidagilar Kotibiyatning asosiy vazifalari hisoblanadi:

o`ziga yuklangan vazifalar va funktsiyalarni bajarish bo`yicha Vazirlar Kengashi Raisining jamoat tashkilotlari va diniy tashkilotlar bilan aloqalar bo`yicha o`rinbosari ishlarini tashkil qilish;

Vazirlar Kengashiga kiritilgan takliflarning hamda kotibiyat faoliyati sohasiga kiruvchi masalalar bo`yicha Vazirlar Kengashi Raisining hujjatlari loyihalari ko`rib chiqilishini ta`minlash, ularni ekspert jihatdan ishlab chiqilishini, qabul qilingan hujjatlarning bajarilishini nazorat qilish;

Vazirlar Kengashi Raisi va Vazirlar Kengashi Raisining jamoat tashkilotlari va diniy tashkilotlar bilan aloqalar bo`yicha o`rinbosari tomonidan o`tkaziladigan majlislar, shu jumladan har haftalik apparat yig`ilishlari va mutasaddiligidagi komissiyalar majlislari materiallari tayyorlanishini va ularda qabul qilingan qarorlar rasmiylashtirilishini ta`minlash;

millatlararo totuvlikni, diniy bag`rikenglikni ta`minlash va yanada mustahkamlash hamda diniy-ekstremistik mafkuraning tarqalishiga yo`l qo`ymaslik bo`yicha chora-tadbirlarni amalga oshirishda tegishli mahalliy davlat hokimiyati organlari, jamoat tashkilotlari va diniy tashkilotlarning faoliyati va bahamjihat harakatini muvofiqlashtirish;

fuqarolarning o`zini o`zi boshqarish organlari faoliyatini muvofiqlashtirish Kengashining diniy-ma`rifat ishlari bo`yicha rais o`rinbosari hamda uning qo`l ostidagi mutaxassisi ishlarini nazorat qiladi va ularga amaliy yordam ko`rsatadi;

madaniy meros ob`ektlarini saqlash masalalarida tegishli mahalliy davlat hokimiyati organlari, jamoat tashkilotlari va diniy tashkilotlarning birgalikdagi harakati;

joylarda "Haj" va "Umra" tadbirlarini tashkil etish bo`yicha faoliyatni muvofiqlashtirish;

Qoraqalpog`iston Respublikasi Adliya vazirligi bilan hamkorlikda jamoat tashkilotlari va diniy tashkilotlarning O`zbekiston Respublikasi, Qoraqalpog`iston Respublikasi qonun hujjatlari talablariga rioya etishini muvofiqlashtirish.

- Kotibiyat o`ziga yuklangan vazifalarni bajarish uchun quyidagi funktsiyalarni amalga oshiradi:

sohaga oid va kotibiyatga yuklangan vazifalarni bajarish yuzasidan aniq chora-tadbirlarni ishlab chiqadi va amalga oshiradi;

kotibiyatga oid topshiriqlari bo`yicha tegishli tahliliy, ma`lumotnoma, statistik materiallar va takliflarni umumlashtiradi va tayyorlaydi;

O`zbekiston Respublikasi Prezidenti Devoniga, O`zbekiston Respublikasi Oliy Majlisi palatalariga, O`zbekiston Respublikasi Vazirlar Mahkamasi va Qoraqalpog`iston Respublikasi Jo`qorg`i Kengesiga ko`rib chiqish uchun kiritiladigan, shuningdek, Vazirlar Kengashi Raisi tomonidan qabul

qilinadigan tegishli normativ-huquqiy va boshqa hujjatlar loyihalarini tayyorlaydi;

sohaga oid topshiriqlarning bajarilishi yuzasidan tizimli nazoratni tashkil etadi, ularning bajarilishini ta`minlash bo`yicha tegishli tashkiliy chora-tadbirlarni va nazorat rejalarini ishlab chiqadi;

muammoli masalalarni hal etish hamda Qoraqalpog`iston Respublikasi, shuningdek, kotibiyatga tegishli sohalarni rivojlantirishning istiqbolli vazifalarini amalga oshirish yuzasidan takliflar va aniq chora-tadbirlarni ishlab chiqadi hamda Vazirlar Kengashi Raisiga va bevosita Vazirlar Kengashi Raisining jamoat tashkilotlari va diniy tashkilotlar bilan aloqalar bo`yicha o`rinbosariga taqdim etadi;

davlat dasturlari amalga oshirilishi sohaga oid topshiriqlarning bajarilishi bo`yicha tegishli tizimlangan ma`lumotlar bazasini shakllantiradi va yuritadi;

Vazirlar Kengashi Raisining jamoat tashkilotlari va diniy tashkilotlar bilan aloqalar bo`yicha o`rinbosari ishtirokida o`tkaziladigan yig`ilishlar o`tkazilishini ta`minlaydi va mas`ullarni jalb etgan holda ishlarni muvofiqlashtiradi;

Vazirlar Kengashi Raisining jamoat tashkilotlari va diniy tashkilotlar bilan aloqalar bo`yicha o`rinbosari ish rejasini ishlab chiqadi va amalga oshiradi;

jismoniy va yuridik shaxslarning murojaatlarini "Jismoniy va yuridik shaxslarning murojaatlari to`g`risida"gi O`zbekiston Respublikasi va Qoraqalpog`iston Respublikasi Qonunlariga muvofiq ko`rib chiqadi;

davlat sirlari bo`lgan ma`lumotlar yoki qonun bilan muhofaza qilinadigan boshqa axborotlarning himoya qilinishini ta`minlaydi;

Vazirlar Kengashining faoliyati to`g`risida jamoatchilikni belgilangan tartibda xabardor qilishni tashkil etadi;

kotibiyatda ijro intizomini mustahkamlash chora-tadbirlarini amalga oshiradi.

Kotibiyat qonun hujjatlariga muvofiq boshqa funktsiyalarni ham bajaradi.

3-bob. Kotibiyatning huquqlari va javobgarligi

8. Kotibiyat o`ziga yuklangan vazifalar va funktsiyalarni bajarish uchun quyidagi huquqlarga ega:

Vazirlar Kengashida ko`rib chiqiladigan masalalarni tahlil qilish va ishlab chiqish uchun kotibiyatga qonun hujjatlarida belgilangan zarur bo`lgan materiallar va ma`lumotlarni davlat va xo`jalik boshqaruvi organlarining hududiy bo`linmalaridan, tumanlar va shahar hokimliklaridan, boshqa tashkilotlardan, Vazirlar Kengashining tegishli tarkibiy bo`linmalaridan belgilangan tartibda so`rab olish;

zarurat bo`lganda, kotibiyatda ko`rib chiqiladigan masalalarni ishlab chiqish, axborot va tahliliy materiallarni, shuningdek, Vazirlar Kengashi Raisining hujjatlari loyihalarini tayyorlash uchun davlat va xo`jalik boshqaruvi organlarining hududiy bo`linmalari, tumanlar va shahar hokimliklari rahbarlari va xodimlarini, Vazirlar Kengashining tegishli majmualari, boshqarma va guruhlarini xodimlarini taklif etish, jalb etish va ushbu maqsadlar uchun vaqtinchalik ekspert guruhlarini tashkil etish;

davlat va xo`jalik boshqaruvi organlarining hududiy bo`linmalari, tumanlar va shahar hokimliklari, boshqa tashkilotlar, Vazirlar Kengashining tegishli tarkibiy bo`linmalariga tezkorlik bilan hal etishni talab qiladigan hamda kotibiyatga yuklangan vazifalar va funktsiyalarni bajarish bilan bog`liq bo`lgan masalalar bo`yicha belgilangan tartibda topshiriqlar berish, normativ-huquqiy va boshqa hujjatlarning bajarilishi yuzasidan amalga oshirilgan ishlarni belgilangan tartibda o`rganish.

9. Kotibiyat javobgarligi:

o`ziga yuklangan vazifalar hamda funktsiyalarning sifatli va o`z vaqtida bajarilishi;

O`zbekiston Respublikasi Oliy Majlisi palatalari qarorlari, O`zbekiston Respublikasi Prezidenti, Vazirlar Mahkamasi, Qoraqalpog`iston Respublikasi Jo`qorg`i Kengesi va Vazirlar Kengashining hujjatlari va topshiriqlariga muvofiq kotibiyatga tegishli takliflar va hujjatlar loyihalari har tomonlama va o`z vaqtida tayyorlanishiga;

davlat organlari va boshqa tashkilotlar tomonidan Vazirlar Kengashiga, ya`ni kotibiyatga yuklatilgan vazifalar yuzasidan kiritiladigan takliflar va hujjatlar sifatli va o`z vaqtida ishlab chiqilishining tashkil etilishi, ularning iqtisodiy, moliyaviy va huquqiy ekspertizadan o`tkazilishi, shuningdek, asoslangan xulosalar tayyorlanishiga;

O`zbekiston Respublikasi Vazirlar Mahkamasining "Ijro intizomini mustahkamlash to`g`risida" 1999 yil 12 yanvardagi 12-sonli qaroriga muvofiq ijro intizomi ta`minlanishiga;

sohaga oid topshiriqlarining kotibiyatga bevosita tegishli davlat organlari va boshqa tashkilotlar tomonidan bajarilishi holatining o`z vaqtida bajarilishi uchun javob beradi.

4-bob. Kotibiyatning tuzilmasi

10. Kotibiyatning tuzilmasiga kotibiyat boshlig`i kiradi.

11. Kotibiyatning tuzilmasi Qoraqalpog`iston Respublikasi Jo`qorg`i Kengesi tomonidan tasdiqlanadi.

12. Kotibiyatning faoliyati mazkur Nizomga muvofiq tashkil etiladi.

13. Kotibiyatning ishlariga kotibiyat boshlig'i rahbarlik qiladi.

14. Kotibiyat boshlig'i belgilangan tartibda Vazirlar Kengashi Raisining qarori bilan lavozimga tayinlanadi va lavozimdan ozod etiladi.

5-bob. Kotibiyat faoliyatini tashkil etish

15. Kotibiyat ishlari O'zbekiston Respublikasi va Qoraqalpog'iston Respublikasi Konstitutsiyalari va boshqa qonunlariga, O'zbekiston Respublikasi Oliy Majlisi palatalarining qarorlariga, O'zbekiston Respublikasi Prezidentining hujjatlari va topshiriqlariga, Vazirlar Mahkamasining qarorlari, farmoyishlari va topshiriqlariga, O'zbekiston Respublikasi Bosh vaziri va uning o'rinbosarlari topshiriqlariga, Qoraqalpog'iston Respublikasi Jo'qorg'i Kengesi va Vazirlar Kengashining qarorlari va topshiriqlariga muvofiq, shuningdek, Vazirlar Kengashining ish rejalari asosida tashkil etiladi.

16. Kotibiyat o'z faoliyatini yarim yillik va yillik ish rejalari asosida olib boradi.

17. Kotibiyatda har haftada yig'ilishlar o'tkazilib, berilgan topshiriqlar, rejalarning bajarilishi nazorat etilib, yangi haftaga mo'ljallangan ishlar va topshiriqlar belgilab olinadi.

18. Kotibiyatda ish yuritilishi kotibiyat tomonidan olib boriladi hamda shu haqida muntazam ravishda Vazirlar Kengashi Raisining jamoat tashkilotlari va diniy tashkilotlar bilan aloqalar bo'yicha o'rinbosariga ma'lumot berib boriladi.

19. Kotibiyat boshlig'i:

Kotibiyatga bevosita rahbarlikni amalga oshiradi. Kotibiyatga yuklangan vazifalar va funktsiyalarning bajarilishi uchun shaxsan javob beradi;

Vazirlar Kengashi Raisining jamoat tashkilotlari va diniy tashkilotlar bilan aloqalar bo'yicha o'rinbosarining ko'rsatmasi va topshiriqlariga asosan ishni tashkil etadi va quyidagi ishlarni amalga oshiradi:

millatlararo totuvlikni, diniy bag'rikenglikni ta'minlash va yanada mustahkamlash hamda diniy-ekstremistik mafkuraning tarqalishiga yo'l qo'ymaslik bo'yicha chora-tadbirlarni amalga oshirishda tegishli mahalliy davlat hokimiyati organlari, jamoat tashkilotlari va diniy tashkilotlarning faoliyati va bahamjihat harakatini muvofiqlashtirish;

madaniy meros ob'ektlarini saqlash masalalarida tegishli mahalliy davlat hokimiyati organlari, jamoat tashkilotlari va diniy tashkilotlarning birgalikdagi harakati;

joylarda "Haj" va "Umra" tadbirlarini tashkil etish bo'yicha faoliyatni muvofiqlashtirish;

"Nuroniyy" va "Mahalla" jamoat tashkilotlarining faoliyatlarini muvofiqlashtirish, ularga har tomonlama amaliy yordam ko'rsatish;

Qoraqalpog'iston Respublikasi Adliya vazirligi bilan hamkorlikda jamoat tashkilotlari va diniy tashkilotlarning O'zbekiston Respublikasi, Qoraqalpog'iston Respublikasi qonun hujjatlari talablariga rioya etishini muvofiqlashtirish.

kotibiyat ish rejasini shakllantirish va uning bajarilishi yuzasidan nazoratni amalga oshirish;

kompleksga tegishli davlat organlari va boshqa tashkilotlar tomonidan taqdim etilgan takliflar va hujjatlar loyihalarini har tomonlama o'rganib chiqish, tahlil qilish, tahliliy materiallarni va ekspert takliflarini tayyorlash, shuningdek, ularning qonun hujjatlarida belgilangan tartibda zarur tarzda kelishilishini ta'minlash;

kotibiyatga yuklatilgan vazifalarga taalluqli masalalar yuzasidan o'tkaziladigan majlislar, har haftadagi apparat yig'ilishlarida va tegishli komissiyalarda hamda kotibiyat sohasiga kiruvchi masalalar bo'yicha o'tkaziladigan boshqa yig'ilishlarda ishtirok etish;

Vazirlar Kengashi Raisi va Vazirlar Kengashi Raisining jamoat tashkilotlari va diniy tashkilotlar bilan aloqalar bo'yicha o'rinbosarining topshiriqlariga muvofiq boshqa vakolatlarni amalga oshirish.

Kotibiyat boshlig'i vaqtinchalik bo'lmaganda uning vazifasini Qoraqalpog'iston Respublikasi Vazirlar Kengashi Raisi va uning jamoat tashkilotlari va diniy tashkilotlar bilan aloqalar bo'yicha o'rinbosari bilan kelishilgan holda ishlar boshqaruvchisi tomonidan belgilanadigan ishlar boshqarmasining mutaxassislaridan biri bajaradi.

Quyidagi korxonalar va tashkilotlarda ishlarning ahvolini tahlil qilish va birgalikdagi ish faoliyati bo'yicha aloqa qilib boradi:

Qoraqalpog'iston Respublikasi Musulmonlar Qoziyati va uning tasarrufidagi o'quv muassasalari, masjidlar;

Nukus shahridagi «Xram v chest`svyatogo velikomuchenika i tselitelya Panteleymona» diniy tashkiloti;

O'zbekiston Musulmonlari idorasi huzuridagi muqaddas qadamjolarini saqlash va obod etish xayriya jamg'armasi Beruniy tumani "Sulton Uvays bobo" ziyoratgohi bo'limi;

O'zbekiston Musulmonlari idorasi huzuridagi muqaddas qadamjolarini saqlash va obod etish xayriya jamg'armasi Ellikqal'a tumani "Abdulla Norinjoniy" ziyoratgohi bo'limi,

O'zbekiston rus madaniy markazining Qoraqalpog'iston bo'linmasi;

"Slavutich" Ukraina madaniyat markazi Qoraqalpog'iston bo'limi;

Qoraqalpog'iston Qozoq milliy-madaniy markazi;

Qoraqalpog`iston Turkman milliy-madaniy markazi;

Qoraqalpog`iston Koreyslar assotsiatsiyasi;

“Nuroniy” va “Mahalla” jamoat tashkilotlari;

Tadbirkorlar va ishbilarmonlar harakati O`zbekiston liberal-demokratik partiyasi Qoraqalpog`iston Respublikasi Kengashi;

O`zbekiston "Milliy tiklanish" demokratik partiyasi Qoraqalpog`iston tashkiloti;

O`zbekiston Xalq demokratik partiyasining Qoraqalpog`iston Kengashi;

O`zbekiston “Adolat” sotsial-demokratik partiyasining Qoraqalpog`iston bo`limi;

Respublika nogironlar jamiyati Qoraqalpog`iston bo`limi;

O`zbekiston Ko`zi ojizlar jamiyati Qoraqalpog`iston bo`limi;

O`zbekiston Karlar jamiyatining Qoraqalpog`iston bo`limi;

O`zbekiston xalq ustalari, hunarmandlari, musavvirlari “Hunarmand” jamoat birlashmasi Qoraqalpog`iston bo`limi;

“Shahidlar xotirasi” xayriya jamg`armasi Qoraqalpog`iston bo`limi;

O`zbekiston Respublikasi jangchi faxriylar birlashmasining Qoraqalpog`iston Respublikasi bo`limi;

O`zbekiston Respublikasi Chernobilchilar assotsiatsiyasining Qoraqalpog`iston bo`limi;

Qoraqalpog`iston Respublikasi hududidagi ziyoratgoh masjidlarining xayriya jamoat jamg`armasi;

O`zbekiston Qizil yarim oy jamiyati Qoraqalpog`iston Respublikasi tashkiloti;

“Ekosan” xalqaro xayriya jamoat fondi Qoraqalpog`iston filiali;

O`zbekiston xorijiy mamlakatlar bilan do`stlik va madaniy-ma`rifiy aloqalar jamiyatlari Kengashi Qoraqalpog`iston Respublikasi bo`limi hamda boshqa jamoat va diniy tashkilotlar ishlarini muvofiqlashtiradi.

Ko'rib chiqildi:

- 
- 
- 

- [Vazirlar Kengashi](#)
- [Statistik va tahliliy ma'lumotlar](#)
- [Vazirliklar va idoralar](#)
- [Shahar va tuman hokimliklari](#)
- [Hujjatlar](#)
- [Respublika mehmonlariga](#)
- [Elektron hukumat](#)
- [Interaktiv davlat xizmatlar](#)